

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 06-37-1-54-2/19

Datum: 31.1.2019. godine

Na osnovu člana 14, stava 2. i 3. Zakona o slobodi pristupa informacijama u Bosni i Hercegovini („Službeni glasnik Bosne i Hercegovine“, broj 28/00, 45/06, 102/09, 62/11 i 100/13), a postupajući po zahtjevu _____ zastupanog po punomoćniku advokatu iz Brčkog, broj: 001-1-0371-1/2019 od 29.1.2019. godine, Agencij za razvoj visokog obrazovanja i osiguranje kvaliteta Bosne i Hercegovine *d o n o s i*

R J E Š E N J E o pristupu informacijama

1. **Odobrava se pristup traženim informacijama u dijelu** koje se odnose na sljedeće:

- da li Internacionalni univerzitet u Brčko Distriktu BiH posjeduje odgovarajuće akreditacije, i rješenja Agencije za razvoj visokog obrazovanja i osiguranje kvaliteta Bosne i Hercegovine te da li je eventualno u toku postupak obnove akreditacije shodno odredbama člana 28-38. Zakona o visokom obrazovanju Brčko Distrikta kod nadležnog Odjeljenja, odnosno Agencije;
- da li je Internacionalni univerzitet u Brčko Distriktu u postupku rješavanja i/ili obnove akreditacije
- da li je ocijenjena usklađenost rješenja o akreditaciji sa normama i kriterijima iz člana 48. Zakona o visokom obrazovanju u BiH, odnosno da li je data preporuka Upravnom odboru za preduzimanje daljnjih mjera radi zakonitog poslovanja;
- da li je izdata mjera poništenja rješenja o akreditaciji.

2. Informacija o podacima kojima raspolaže Agencija za razvoj visokog obrazovanja i osiguranje kvaliteta Bosne i Hercegovine iz tačke 1. bit će dostavljena u tvrdoj fotokopiji, u prilogu ovog rješenja.

3. **Prosljeđuje se** nadležnoj instituciji na dalje postupanje, i to Odjeljenju za obrazovanje Vlade Brčko Distrikta BiH zahtjev za pristup informacijama u dijelu koji se odnosi na informaciju o tome da li je predmetna visokoškolska ustanova licencirana budući da tražena informacija nije u posjedu Agencije za razvoj visokog obrazovanja i osiguranje kvaliteta Bosne i Hercegovine.

O b r a z l o ž e n j e

_____, zastupan po punomoćniku _____ advokatu iz Brčkog, obratio se Agenciji za razvoj visokog obrazovanja i osiguranje kvaliteta BiH sa zahtjevom za pristup informacijama i zatražio informacije, između ostalog, o tome da li Internacionalni univerzitet u Brčko Distriktu BiH posjeduje odgovarajuće akreditacije i licence, da li je isti u postupku obnove akreditacije, da li je isti imao ispunjene uslove za zakonit rad, dozvole, licence i

www.hea.gov.ba, e-mail:info@hea.gov.ba

akreditacije, u kojem vremenskom periodu od dana osnivanja do danas, da li su iste postojale, istekle, itd., da li je ocijenjena usklađenost rješenja o akreditaciji sa normama i kriterijima iz člana 48. Zakona o visokom obrazovanju u BiH, odnosno da li je data preporuka Upravnom odboru za preduzimanje daljnjih mjera radi zakonitog poslovanja, da li je izdata mjera poništenja rješenja o akreditaciji, da li je, prema nadležnostima Agencije, Internacionalni univerzitet u Brčko Distriktu BiH/Fakultet za poslovnu – civilnu bezbjednost, u vrijeme podnošenja ovog zahtjeva ima zakonske pretpostavke za rad i izdavanje diploma koje su priznate u okviru pravnog sistema BiH. Također, traži se izjašnjenje Agencije o tome da li je predmetna diploma važeća.


Ispitivanjem osnovanosti zahtjeva utvrđeno je da je isti sačinjen u skladu sa Zakonom o slobodi pristupa informacijama u Bosni i Hercegovini, te je Agencija za razvoj visokog obrazovanja i osiguranje kvaliteta Bosne i Hercegovine, cijeneći javni interes i odredbe važećih propisa odlučila da djelimično udovolji zahtjevu i odobri pristup informacijama kako je odlučeno u tački 1. dispozitiva ovog rješenja, odnosno odobri pristup informacijama koje su u posjedu Agencije za razvoj visokog obrazovanja i osiguranja kvaliteta Bosne i Hercegovine, u dijelu koji se odnosi na informacije o postupku akreditacije visokoškolske ustanove Internacionalni univerzitet u Brčko Distriktu BiH.

Pouka o pravnom lijeku: Protiv ovog rješenja može se izjaviti žalba Žalbenom vijeću pri Vijeću ministara Bosne i Hercegovine, Trg BiH br. 1, 71 000 Sarajevo, u roku od 15 dana od dana dostavljanja istog.

Uputstvo o pravu obraćanja ombudsmenu: Možete se obratiti i Ombudsmenu za ljudska prava Bosne i Hercegovine na adresu Akademika Jovana Surutke 13, 78000 Banjaluka, tel/fax 051 303 992.

Dostaviti:

- Odjeljenje za obrazovanje u Vladi Brčko Distrikta BiH
- Službenik za informacije
- Sektor 05
- arhiva



DIREKTOR

Prof. dr. Enver Halilović

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 06-37-1-54-2/19
Banja Luka, 31.1.2019. godine

PREDMET: *Odgovor na zahtjev, dostavlja se
Veza: vaš akt broj: 001-1-0371-1/2019 od 29.1.2019. godine*

Poštovani,

Dana 31.1.2019. godine Agencija za razvoj visokog obrazovanja i osiguranje kvaliteta Bosne i Hercegovine zaprimila je Vaš zahtjev kojim se traže informacije o akreditaciji, odnosno licenciranju visokoškolske ustanove Internacionalni univerzitet u Brčko Distriktu BiH, odnosno da li je predmetna visokoškolska ustanova obnovila dozvolu i akreditaciju, da li je isti imao ispunjene uslove za zakonit rad, dozvole, licence i akreditacije, u kojem vremenskom periodu od dana osnivanja do danas, da li su iste postojale, istekle, itd., da li je ocijenjena usklađenost rješenja o akreditaciji sa normama i kriterijima iz člana 48. Zakona o visokom obrazovanju u BiH, odnosno da li je data preporuka Upravnom odboru za preduzimanje daljnjih mjera radi zakonitog poslovanja, da li je izdata mjera poništenja rješenja o akreditaciji, da li je, prema nadležnostima Agencije, Internacionalni univerzitet u Brčko Distriktu BiH/Fakultet za poslovnu – civilnu bezbjednost, u vrijeme podnošenja ovog zahtjeva ima zakonske pretpostavke za rad i izdavanje diploma koje su priznate u okviru pravnog sistema BiH, da li je ocijenjena usklađenost rješenja o akreditaciji sa normama i kriterijima iz člana 48. Zakona o visokom obrazovanju u BiH, odnosno da li je data preporuka Upravnom odboru za preduzimanje daljnjih mjera radi zakonitog poslovanja. da li je izdata mjera poništenja rješenja o akreditaciji. Također, traži se izjašnjenje Agencije o tome da li je predmetna diploma važeća.

Okvirnim zakonom o visokom obrazovanju u Bosni i Hercegovini („Službeni glasnik BiH“, br. 59/07 i 59/09) u članu 48. i 49. propisane su nadležnosti Agencije za razvoj visokog obrazovanja i osiguranje kvaliteta Bosne i Hercegovine. U postupku akreditacije visokoškolskih ustanova i studijskih programa u Bosni i Hercegovini Agencija je, između ostalog, nadležna za imenovanje komisije domaćih i međunarodnih stručnjaka za akreditaciju na osnovu prijedloga nadležnih obrazovnih vlasti u pogledu izbora stručnjaka sa utvrđene liste stručnjaka, davanje preporuke nadležnim obrazovnim vlastima o akreditaciji visokoškolske ustanove, odnosno studijskog programa, na osnovu mišljenja komisije stručnjaka, postupak i rješenje o akreditaciji i licenciranju visokoškolskih ustanova koje donose ministarstvo Republike Srpske, kantonalna ministarstva i Brčko Distrikt BiH, u skladu s članom 48. alineja

www.hea.gov.ba, e-mail:info@hea.gov.ba

BA – 78000 Banja Luka, Akademika Jovana Surutke 13, Tel.: +387 51 430 510, Fax: +387 51 462 302

1. ovog zakona, ocjenjivanje usklađenosti rješenja o akreditaciji s normama i kriterijima iz člana 48. alineja 1. ovog zakona i, u slučaju utvrđene neusklađenosti, davanje preporuke Upravnom odboru za preduzimanje daljnjih mjera, sve do mjere poništenja rješenja o akreditaciji, vođenje državnog registra akreditiranih visokoškolskih ustanova i stalnu dostupnost na svojoj internet stranici liste akreditiranih visokoškolskih ustanova u Bosni i Hercegovini.

Uvidom u službene evidencije Agencije, utvrđeno je da za Internacionalni univerzitet u Brčko Distriktu BiH nije proveden postupak akreditacije u skladu sa članom 49. Okvirnog zakona o visokom obrazovanju u BiH te navedena visokoškolska ustanova nije upisana u Državni registar akreditiranih visokoškolskih ustanova, niti se nalazi na listi akreditiranih visokoškolskih ustanova u Bosni i Hercegovini. Također, do danas u Agenciji nije zaprimljen zahtjev za imenovanje komisije stručnjaka za akreditaciju predmetne visokoškolske ustanove.

Imajući u vidu naprijed navedeno, Agencija nije u mogućnosti da se u cijelosti izjasni po vašem zahtjevu.

Dostaviti:

- Odjeljenje za obrazovanje u Vladi Brčko Distrikta BiH
- Službenik za informacije,
- Sektor 05
- arhiva



DIREKTOR

[Handwritten signature]
Prof. dr. Enver Halilović